



**Դրամաշնորհային աջակցություն «Մարդկային անվտանգության ծրագրերի» համար ՖՏ 2023.
«Մարմաշեն գյուղում ՏՏ կենտրոնի ստեղծման» ծրագրի ավարտական արարողություն**

Երևան՝ 29 Մայիսի , 2025թ.

2025 թվականի Մայիսի 29-ին նորաստեղծ տեղեկատվական տեխնոլոգիաների կենտրոնում տեղի ունեցավ «Մարմաշեն գյուղում ՏՏ կենտրոնի ստեղծման» ծրագրի (մինչև 71,225 ԱՄՆ դոլար) ավարտական արարողությունը: Արարողությանը ներկա էին Հայաստանում Ճապոնիայի դեսպան պարոն ԱՌԿԻ Յուտական, «Գյումրու տեղեկատվական տեխնոլոգիաների կենտրոն» գիտակրթական հիմնադրամի գործադիր տիկին Ամարյա Եղոյանը, Մարմաշեն վարչական շրջանի ղեկավար Պարոն Տիգրան Տիգրանյանը, Վահրամաբերդ վարչական շրջանի ղեկավար պարոն Սարո Հովհաննիսյանը, ինչպես նաև պետական պաշտոնյաներ և Լեռնային Ղարաբաղից տեղահանված անձիք:

Այս ծրագիրը նպատակ ունի Ծիրակի մարզի Ախուրյան համայնքի Մարմաշեն գյուղում ստեղծել տեղեկատվական տեխնոլոգիաների կենտրոն, որը համայնքի 37 դպրոցների 3779 աշակերտներին հնարավորություն կտա ստանալ տեղեկատվական կրթություն՝ համաձայն կառավարության կողմից սահմանված ուսումնական ծրագրի: Գյուղը գտնվում է մայրաքաղաքից մոտ 120 կիլոմետր հեռավորության վրա գտնվող գյուղական վայրում, որտեղ տեղեկատվական տեխնոլոգիաների կրթական միջավայրը մնում է թերզարգացած՝ համեմատած քաղաքային բնակավայրերի հետ, ինչը անհնար է դարձնում տեղեկատվական կրթության դասընթացների անցկացումը, որոնք կառավարությունը պարտադիր է դարձրել: Հետևաբար, գյուղական բնակավայրերի աշակերտները հիմնականում զբաղվում են գյուղատնտեսական աշխատանքներով, որոնք սովորաբար ապահովում են համեմատաբար ցածր եկամուտ: Այս ծրագրի շնորհիվ գյուղական բնակավայրերի աշակերտները, որոնք նախկինում տեղեկատվական կրթություն ստանալու հնարավորություն չունեին անբավարար տեղեկատվական տեխնոլոգիաների պատճառով, այժմ կկարողանան ձեռք բերել տեղեկատվական տեխնոլոգիաների ոլորտում աշխատանքի համար անհրաժեշտ գիտելիքներ, այդ թվում՝ վեբ դիզայնի և ծրագրավորման անվճար ուսուցում: Այս կենտրոնում տրամադրվող տեղեկատվական կրթությունը ոչ միայն կվերացնի քաղաքային և գյուղական բնակավայրերի միջև կրթական անհավասարությունը, այլև կընդլայնի տեղի բնակիչների զբաղվածության հնարավորությունները:

«Գյումրու տեղեկատվական տեխնոլոգիաների կենտրոն» գիտակրթական հիմնադրամի գործադիր տնօրեն տիկին Ամարյա Եղոյանը շնորհակալություն հայտնեց՝ ասելով. «Ճապոնիայի աջակցությամբ կառուցված տեղեկատվական տեխնոլոգիաների կենտրոնի շնորհիվ երեխաները այժմ կարող են ստանալ տեղեկատվական տեխնոլոգիաների կրթություն՝ օգտագործելով նոր սարքավորումներ, որոնք ընդլայնում են նրանց ապագայի հնարավորությունները: Լեռնային Ղարաբաղից փախստական երեխաները բախվում են հատկապես դժվարին իրավիճակների, բայց տեղեկատվական տեխնոլոգիաների վերաբերյալ գիտելիքներ ձեռք բերելով՝ նրանք այժմ կարող են հույս ունենալ իրենց ապագայի համար: Մենք խորապես շնորհակալ ենք Ճապոնիային՝ այս անհրաժեշտ աջակցությունը տրամադրելու համար»:



Դեսպան Առկիի շնորհավորական ելույթը



Նոր բացված ՏՏ կենտրոնը



Նկար ծրագրի շահառուների հետ



Ներ ՏՏ Կենտրոնի գույքը